

Go'zaning yangi navi sinovdan o'tkazildi



Ўзбекистон Республикаси Фанлар академияси Хоразм Маъмун академиясининг селекционер олимлари томонидан олиб борилган илмий тадқиқотлар натижасида ғўзанинг янги “Ният” нави яратилган эди.

Ушбу нав толасининг технологик кўрсаткичлари “Агросаноат мажмуйида хизмат кўрсатиш маркази” унитар корхонаси лабораториясида таҳлил қилинди. Фанлар академияси ахборот хизматининг **маълум** қилишича, лабораторияга 2018 йилда етиштирилган пахта ҳосилидан тола намуналари етказиб берилган. Пахта толаси намуналари сифат кўрсаткичлари лабораторияда синовдан ўтказилди.

Таҳлилларнинг кўрсатишича, ушбу яратилган янги навлар толасининг сифати унга саноат ишлаб чиқариши томонидан қўйилган талабларга жавоб беради. “Ният” ғўза навини 2019 йилда Хоразм вилоятининг айrim туманларида синов шарти билан экишга руҳсат берилди.

Интеллектуал мулк агентлиги томонидан Маъмун академиясига НАП 00205-рақамли ўсимлик нави учун патент берилди. Ушбу навни яратишда Д.Аккужин, Ш.Кадиров, И.Абдуллаев, Ф.Жуманиязов, У.Абдурахимов, Р.Машарипова ва Б.Ўриновлардан иборат муаллифлар жамоаси фаолият олиб борган.

<http://uza.uz/oz/science/-zaning-yangi-navi-sinovdan-tkazildi-20-01-2019>